

# კომპიუტერული ტექნოლოგიები

## კომპლექსური დავალება

<b>რესურსის დასახელება:</b> შევქმნათ ჩვენი პრეზენტაცია
<b>კლასი:</b> მეექვსე
<b>მიმართულება:</b> ისტ
<b>სამიზნე ცნება/ცნებასთან დაკავშირებული მკვიდრი წარმოდგენები:</b> <b>ინფორმაცია</b> 1. კომპიუტერული მონაცემების გამოყენებით შესაძლებელია ინფორმაციის სწრაფი გაცვლა, შენახვა და დამუშავება; 2. როგორც სიტყვები შეგვიძლია დავწეროთ ფურცელზე, ასევე შეგვიძლია, ინფორმაცია ჩავწეროთ კომპიუტერში კომპიუტერული ფაილის სახით; 3. ფაილებში შეიძლება შევიტანოთ ცვლილება და გადავიტანოთ სხვა კომპიუტერულ მონაცემობაში.
<b>ქვეცნება / საკითხი:</b> სხვადასხვა მონაცემობასთან მუშაობის პრინციპები; ერთ ფაილში სხვადასხვა ტიპის კონტენტის გაერთიანება და ინტერაქტიული კონტენტის შექმნა (Microsoft PowerPoint).
<b>საკვანძო კითხვები:</b> <ul style="list-style-type: none"><li>• როგორ მოიპოვეთ ინფორმაცია დავალების შესრულების პროცესში. თქვენ მიერ გამოყენებული ინფორმაციის რა ნაწილი მოიძიეთ, შექმენით ან გაუცვალეთ სხვას (<b>მ. . 1</b>);</li><li>• როგორ და რა ტიპის ფაილის სახით შეინახეთ ინფორმაცია კომპიუტერში (<b>მ. . 2</b>);</li><li>• თქვენ მიერ შექმნილმა ფაილმა რა ტიპის ცვლილებები განიცადა (<b>მ. . 3</b>);</li></ul>
<b>კომპლექსური დავალების პირობა:</b> შენი დავალებაა, შექმნა სახალისო პრეზენტაცია. შენთვის სასურველ თემაზე ჩაწერე ვიდეო – ან აუდიოფაილი, გადაიღე ფოტოები. შემდეგ გახსენი პროგრამა PowerPoint და მოამზადე პრეზენტაცია.

გამოიყენე ბრძანება „ჩასმა“(insert) სურათის (photo), ვიდეოსა (video) და ხმის (audio) ჩასასმელად.

პრეზენტაცია გაუმზადე მეგობრებს.

**შესრულებულ დავალებაში ნათლად უნდა ჩანდეს:**

- თქვენ მიერ გადმოცემული ინფორმაციის რა ნაწილი მოიძიეთ;
- თქვენ მიერ გადმოცემული ინფორმაციის რა ნაწილი შექმენით;
- PowerPoint-ის რომელი ინსტრუმენტებია თქვენთვის ცნობილი;
- რომელ კატეგორიებად შეგიძლიათ დაყოთ PowerPoint-ის ინსტრუმენტები;
- როგორ ჩასვით Microsoft PowerPoint-ში სხვადასხვა ფორმატის ფაილები (ტექსტი, ფოტო, ვიდეო და ა.შ.);
- დაგჭირდათ თუ არა ფაილში ცვლილებების რამდენჯერმე შეტანა და როგორ გადმოწერეთ ის სკოლის კომპიუტერში.